



滄水文集第五卷目

古詩

題趙琳画東坡石上以杖橫膝肩頭

又

擬陶和許至忠

又

題牧牛扇頭

東籬采菊圖

贈眼醫

釣蓬

聽雨軒

擬東坡謫居三適

旦起嚙日

午窓曝背

夜卧炕煖

又 傲聖俞月出斲岸口

又

長白山行

渡水僧

又

時雨

皇武

鄭子產廟

過湖城

過閩鄉

含元殿

過乾陵

乾陵故梁山也舊有柏萬株亡
矣有石蕃王像來朝者六十四
至今猶存下有章懷太子墓

發棗社

過寧州

遊華山

做淵明自廣

和淵明飲酒

其二

其三

其四

其五

其六

其七

其八

其九

其十

其十一

其十二

其十三

其十四

其十五

其十六

其十七

其十八

其十九

其二十

擬和韋蘇州

和西澗

和烟際鐘

和西塞山

和山耕叟

和上方僧

擬詠夜

擬詠聲

和寄全柎道士

潘清客自鄂移樓觀與中條喬
象之同居

和遊溪

和秋齋獨宿

和聽嘉陵江水聲代深師答

和演師西齋

和遊開元精舍

和答中山道士

和西樓

和瑯琊萬壽寺

擬漢：來帆重冥：去鳥遲

擬何如風雨夜復此對床眠

擬綠陰生晝寂孤花表春餘

擬兵衛森画戟燕寢凝清香

送麻徵君知幾

飲馬長城窟行

猛虎行

傲老杜無家
傲劉長卿出塞

又

楊妃墓

李夫人

贈延安滋戒師集句

閑：老人滄水文集卷第五

古詩

題趙琳畫東坡石上以杖橫膝肩頭

廟堂竟何人此老乃石上盤礴萬古胸入此
一藤杖擊去荆舒蠻扶來司馬相君看熊席
顏百獸不敢傍

又

東坡謫嶺南一笑六根靜食骨不棄餘又使
羣狗競手中果何物乃是照邪鏡爾曹何足

容以杖叩其脛

擬陶和許至忠

西日頽殘照北風凜寒威侏儒飽欲死幽人
獨無衣不上北闕書甘采西山薇曾子已再
化寧遠早知非豈不樂仕宦恐與心事違柴
桑舊三徑吾行其庶幾尚於淵明翁頗負責
子譏隱几茅簷下聊欲曝斜暉

又

歸田有何樂佳處正在茲閑與老農語夜雨

深一犁行年近六十悠々復何之有田足我
食有布成我衣富於黔婁生樂於榮啓期妻
子愠見言一點不上眉吾師有遺訓貧賤不
能移

題牧牛扇頭

一牛顧其犢一牛軒尻睢旁有牧犢子窺巢
攀樹枝嗟爾有餉具不念鴉雖飢烏雅各天
性飛來護其兒汝親亦念汝而人獨不知不
如兩相忘人禽相娛嬉

東籬采菊圖

淵明初亦仕迹留心已遠雅志懷林淵高情
邈雲漢妖狐同晝昏獨鶴驚夜半平生忠義
心回作松菊伴東籬把一枝意豈在酒醞不
見白衣來目送南山雁淡然忘言說聊付一
笑粲

贈眼醫

和扁不並世：豈無良醫今代王
東坡詩大詔臥壯士積熱下腦脂神針運斤

風此妙人得知君言吾有道神視了不疑
山導河流破壁取蛟螭聖道如日月浮雲時
翳之誰為補天手刮膜施金篦韓益不可作
此藝真吾師

釣蓬

船蓬無可載意釣不在魚此身真襍禩萬事
一蘧蔭無載不載沉死魚安足餌洛水是非
波臨軒聊洗耳

聽雨軒

無田妻啼飢有田稻蟠泥等為飢所驅貧富
亦兩齊雨中窓下眠窓外芭蕉語置書且安
眠催租吏如雨

擬東坡謫居三適

旦起嚙日

老人畏朝寒常恨為物役把搔未云已簡書
催我出爾來免朝參晨起喜見日王事有期
程安能待予息披衣向東方聊復效龜吸漸
漸支體柔谷真氣入少為肝腸暖陽和通

百脉吾年六秩餘前路那可必未來不吾預
已逝安容息及此未病間聊冀一溉益

午窓曝背

清晨了公事及午身得閑南榮有晴日曝背
於其間稍：陽光舒融、和氣還時携一冊
書眼花紛爛斑倦即枕書臥散盡腰脚頑清
於三杯餘甜勝一味趁人間有此適不憂天
公慳世人慕暖熱肉屏醉雲鬢雖得一飽樂
憂喜常相關痴兒亦笑我市中有樵山

夜臥坑暖

京師苦寒歲桂玉不易求斗粟換束薪掉臂
不肯酬日糶五升米未有旦夕憂近山富黑
豎百金不難謀地坑規玲瓏火穴通深幽長
舒兩脚睡暖律初迴郵門前三尺雪鼻息方
動：田家燒楮袖濕烟泣泪流渾家身無衣
灸背曉未休誰能獻此術助汝當衾裯

做聖俞月出斷岸口

未伏暑尚在雨點落未落夢覺起視夜缺月

掛屋角

又

殘星橫斜河晨雞啼天風幽人窓中眠紗厨
明秋空

長白山行

長白山雄天北極白衣仙人常出沒玉龍垂
爪落蒼崖四江飛下天神白匹馬渡江龍飛
天雲起侯王亿千百至今甲第多屬籍時清
球馬爭馳突錦鞵貂帽躡春風五陵豪氣何

飄忽前年胡騎瞰中原
准擬長城如削鐵
君家兄弟真連壁
曾中十萬森戈戟
向淪論事天子前
漢廷諸公動顏色
心知不易一囚命
願肯貪功事無益
西南方面應時須
帝曰來前無汝易
從來十益不補損
三輔蕭條半荆棘
瘦妻曳把女扶犁
惟恐官軍缺糧給
嗚呼瘡痍尚未復
且願休兵養民力
老夫謬忝春官伯
白首書生不經國
佇公功成歸廟堂
再獻中興二三策

渡水僧

落日前溪渡鐘聲隔岸聞
秋水深可涉挽衣踏行雲
行雲忽破碎波動生魚鱗
化為百千我何者為我身
此身尚非我况復影中人
畫師真具眼了此起滅因
三生祠山夢一笑語前塵

其二

一僧亢中流杖笠行相隨
波紋生足指照影光瀾
一僧到彼岸前引如導師
腰間兩不

借身外一伽黎一僧方欲涉結帶如有思前
山鳥飛夕後山雲起時君看眉頰間中有摩
詰詩

時雨

時雨美昏莘公也公以行臺移鎮平陽鄰畏
其威民懷其德焉

天降時雨山川出雲天相休運是生世臣維
我世臣乃國于莘天子命之牧爾邦民北風
皆雨雪霏嗟我晉人而瘡而瘻吹之响

之摩之拊之于燠其寒于飽其飢既瘳既夷
不嘖以嘻孰為豺虎載柵載壘孰為蠹賊載
芟載理無擾我鄉我鄉我里無伐我桑我桑
我梓遠夷駘矣我民休矣公在堂如春斯
溫激矢在壺折衝于樽民安于廛兵安于屯
公在堂錦衣繡裳救予改為斯民不忘公
在堂繡裳錦衣我民之思無以公歸

皇武

皇武命平章公移鎮陝右也

皇奮厥武如雷如霆擴彼遠夷載震載驚帝
命相臣蘇我疲民維時葦公展也大成公自
平陽移鎮于秦世皆謂公在慶陽春公在
秦有年無兵世皆謂公斯民德星維此二方
不寧不令帥臣議征發言盈達公奏累上如
山不傾世皆謂公漢之營平既完三輔復保
五城以迄于今夏人請盟維將盡能維公竭
誠公拜稽首天子之明我公歸矣我民思矣
詔公復起周邦咸喜願公百年以佐天子罔

俾樊侯于周專美

鄭子產廟

晉楚更伯爭雄尊勢如雨席換一豚玉帛事
楚方南轅晉師已及國北門鄭有人焉國無
小晉楚雖大談笑了臨風三嘆酌酒罇注目
蒼波望高鳥

過湖城

暮行潼關道百里蒼山昏勢斷忽平野大河
東南奔我行屬冬季風雪浩以簾玄雪結層

陰狐貉不得溫豈不念白首出使百里番惜
彼守凍者據鞍復何言

過閿鄉

秦關百二天下壯百萬雄師未能傷函關未
了又潼關潼關之敗何等閑九齡斥逐姚宗
死邊將邀功從此始今年西屠石堡城明年
又起漁陽兵朝廷欲藉邊將重不覺胡雖心
暗動祿山前死未可知雖有漁陽突騎將奚
為自古明王重用武重用武莫笑書生陳腐

語

含元殿

秦山從北來宮殿何巍巍含元遺址在下建
十丈旂當昔休明日軒陛朝諸夷一旦人事
改翻坐牧羊兒譬如元氣衰百疾攻四肢陵
夷更五代興亡如奕棋塵埋梨園骨火燒花
萼碑寢殿通樵徑宮牆插酒旗至今明月夜
石馬空聞嘶蒼天不可問渭水空自馳誰為
後來者應與此心期

過乾陵

乾陵故梁山也舊有柏萬株亡矣有石蕃王像來朝者六十四至今猶存下有章懷太子墓

曉日上乾陵乾陵何魏、前瞻對雙闕上有十丈碑左右蕃夷像想見朝首時一杯土未乾哀服易禕衣好還雖天道剪伐盡本枝淒涼廬陵謫慷慨黃臺辭賴有狄相國取日洗咸池母后盜國鼎呂氏非薄姬中睿乃其子

天幸亦其宜驪山三日火見咲牧羊兒如何陵上柏獨有神護持千秋百歲後魂魄復來茲故山草木緒應悔復辟遲天回西日照歲暮北風吹南登樂遊園默誦昭陵詩

發棗社

夜發棗社驛寒帷見明月、照斷崖冰風吹陰磴雪山重複峻嶺十步九盤折兩崖夾深澗線路僅容轍繼車下百尺輶輳聲未絕坡陀到平地稍喜見雉堞隔城間鐘鼓星斗何

歷、故人相勞苦杯酒慰行役夜闌秉明燭
相對恍如失

過寧州

季冬落日黃霜雪原野白驅車上峻坂十步
百夫力我行未半嶺回視但木末白雲在高
頂可望不可及北風推去翼孤烟帶遠客居
人候征騎倦僕望前驛蒼皇下坡陀張燈已
昏黑

遊華山

我從秦川來歷遍終南遊暮行華陰道清快
明雙眸東風一夜翻作惡塵埃咫尺迷岩幽
山神戲人亦薄相一杯未盡陰雲收但見兩
岸巨壁列劍戟流泉夾道鳴琳瓔希夷石室
綠蘿合金仙鶴駕空悠悠石門忽斷一峯出
婆婆石上為遲留上方可望不可到崖傾路
絕令人愁十盤九折羊角上青柯坪上得少
休三峯壁立五千仞其下無址倚無巨靈
仙掌在霄漢銀河飛下青雲頭或云竒勝家

高頂脚力未易窮冥搜蒼龍嶺瘦莓苔滑嵌
空石磴誰雕搜每憐風自四山下下不見底
惟聞松聲萬壑寒颼颼捫參歷井上絕頂下
視塵世區中因酒酣蒼茫瞰無際魂視五岳
芥九州南望漢中山簪如碧玉抽况復秦宮
與漢闕飄然聚散風中漚上有明星玉女之
洞天二十八宿環且周又有千歲之玉蓮開
花十丈藕如舟五鬣不朽之長松流膏入地
盤蛟虬挾根食實可羽化方瞳綠髮三千秋

時間笙簫明月夜芝輶羽蓋來瀛洲乾坤不
老青山色日月萬古無停輞君且為我挽回
六龍轡我亦為君倒却黃河流終期汗漫遊
八表乘風更覓元丹丘

傲淵明白廣

天地有常度日月有常數有生則有死如朝
必有暮來者不可却去者那容駐但喜故歲
新、年行復故、變零落盡世豈能久住年
衰性自忘所以語多悞况復眼半昏文字宜

少戲前路那可知
正宜委運去
幸近古稀年
無復更多慮

和淵明飲酒

翩：萬里鶴日暮將何之
昏鴉擇所安
笑汝不知時
孔席不暇暖
此理吾何疑
尚愧淵明翁濁酒時一持

其二

少長慕富貴
老大思止山
一為妻子累
不肯踐斯言
謬落塵網中
倏俛四十年
吾衰有兒

子門戶
幸可傳

其三

漆園去我久
舉世少真情
晉宋多名流
惜哉亦虛名
浮虛忘軒冕
踰檢稱達生
淵明初亦仕
不為寵辱驚
笑彼夸毗子
空談竟何成

其四

貧賤豈不苦
仰慕冥鴻飛
富貴豈不樂
乃有黃犬悲
苦樂各異趣
嗜好從所依
我欲作九原
獨與淵明歸
掛冠不待年
况此齒髮衰
遙

醉一杯酒毋使寸心違

其五

琳宮禱龜鼉頗厭鼓吹喧既久少人事却愛
幽居偏南朝有奇趣雲峯可當山一雨溪水
漲稍魚鳥還我二樂其樂可為靜者言

其六

好醜無定在當時者為是彌于當寵時安知
後來毀世道每如斯吾生幸不爾舉世尚五
絃安事矜綠綺

其七

少年喜草書臨池學伯英縱橫挾造化如見
萬物情墨濡四溟窄筆落三山傾年來頗自
笑惜哉以技鳴白首竟無得俯仰愧此生

其八

秋菊有至性霜松無俗姿采黃金花笑
蒼烟枝偶有杯中物成此一段奇白雲南山
來出岫復何為醉臥東軒下聊脫人間羈

其九

今日好天氣清晨雲雪開東風如故人適我
平生懷忽見南來燕孤雌與雄乖暮歸主人
堂梁間已雙栖巢仰覆其子又補新巢泥翩
翩隨陽雁幽真苦難諧江湖偶相共咫尺雲
路迷哀、霜雪際獨向胡天迴

其十

鷺鳥閉籠中舉翮觸四隅騏驥駕鹽車跼蹙
困中途一朝遭識拔未免為人驅倚觀信美
矣自嫌良有餘不如兩無累還我田園居

其十一

千載淵明翁誰謂不知道閑賦青子詩調戲
乃娛老杜陵蓋自况此豈恨枯槁壺觴清濁
共適意無醜好歸來五柳宅守我不貪寶長
嘯天地間獨立萬物表

其十二

憶昔告歸老方屬者指時眼昏頭半白誓將
從此辭幾年不得謝日循到今茲耳聾左目
盲決去吾何疑君息雖云重竊祿良自欺乘

流且復逝遇坎將安之

其十三

昔我謝事時曾造老衲境謂言方閑去如醉
不得醒至要無多言退步心自領一朝桶底
脫露出囊中賴有如暗室中照耀賴燭炳

其十四

巖風大澤枯霰雪寒威至此時陶彭澤相與
父老醉不必相扶顛倒無倫次處世貴無
名不知斯我貴斯人今已已三嘆有遺味

其十五

憶我滄水陽經營五畝宅修竹篸百竿今為
狐兔迹相逢問鄉舊里巷不盈百艱難驚獨
在鬢髮颯已白一醉齊彭殤無為空歎息

其十六

幽居淡無事雅志了玄經眼花憎文字悠
竟無成中夜起無寐披衣守寒更梅竹散清
影素月流廣庭孤鶴閑逸響切寒虫鳴撫
卷長歎息慷慨側

其十七

淵明雖不仕愛此北窓風曲肱枕書臥樂亦
在其中時持一杯酒賴此齊窮通大笑杯中
蛇脫矣悟耶弓

其十八

漢儒傳注學未為無所得秦火少完書豈免
烏焉惑後儒補罅漏聖道稍閉塞俗士喜操
戈又一秦相國且共歡一觴多言不如默

其十九

昔我平生友我冠及偕仕居官不避事力學
固為己非無濟時榮壑斷亦云耻行年未六
十賫志沒萬里蹇予隨朝班星霜幾四紀譬
如遠行客日暮尋所止養志歸田廬晚節猶
可恃

其二十

淵明非嗜酒愛此醉中真謂言忘憂物中有
太古淳回首市朝中萬事牛毛新去年持使
節悠々過西秦宮闕隨飛烟衣冠代埃塵當

時憑軾士慷慨嗟徒勤所以山林客樂與魚
鳥親西登太華頂曠望長河津寄謝三峯雲
聊欲濫吾巾誓將從此去笑謝當途人

擬和韋蘇州

和西澗

雨荒竹迳草叢生樹隔前溪一犢鳴步尋幽
澗疑無路忽有人家略約橫

和烟際鐘

近壑斂暝色遠山猶夕暉聲從烟際起復向

烟中微隨風散林野渡頭人未歸

和西塞山龍門

雙闕聳岵嶢神斧忽中斷一水從中來千龕
道徧滿

和山耕叟

步逐麋鹿迹誰知朝市情負薪南澗曲荆棘
雨中行呼兒問牛飽又向山田耕

和上方僧

石潤雲生衲崖傾月照禪曬衣橫竹錫洗鉢

落岩泉但見山花發幽居不記年
擬詠夜

明從暗中去暗從明中來流光不待曉閣盡
玉爐灰

擬詠聲

萬籟靜中起猶是生滅目隱几以眼聽非根
亦非塵

和寄全栴道士

潘清客自鄆移樓觀與中條喬象之

同居

新移白閣峯遠訪中條客結茅授經臺共坐
雲間石松龕讀易朝月窓談道夕從此到終
身區中了無迹

和遊溪

清溪霧氣散水涵天景空白雲翻着底移舟
明鏡中鳥近前灘白花移別岸風遙知夜來
雨山色翠如蔥

和秋齋獨宿

冷暈侵殘燭雨聲在深竹驚鳥時一鳴寒枝
不成宿

和聽嘉陵江水聲代深師答

驚湍瀉石崖百步無人跡愛此喧中靜聊布
安禪席水無激石意云何轉雷聲仁者自生
聽達士了不驚心空境自寂淡然雨無情

和演師西齋

不見竹間僧但聞花外磬敲檻出魚遊巢簷
知鳥性雲蒸生禪石露濕行道迳夜寂一燈

殘山月來破暝

和遊開元精舍

松軒風掃靜終日閉門居犬臥青苔地鳥銜
红柿初熟殘夜禪起經潤雨翻餘自是少人
迹非關往來疎

和荅中山道士

行轉青溪又別峯馬蹄終日認樵蹤翠微深
處無人住寺在深山河處鐘

和西樓

十去龍沙雁年：久不歸烟塵猶未息莫近
塞雲飛

和瑯琊萬壽寺

茲寺廢已久徑楫昔未遑一朝煥金碧煌
耀東崗文母開大施天厨來衆香縈回轉佛
閣窈窕闕禪房平地俯歸鳥高齋在上方宿
雲不歸山野水自成塘道人如水鏡見者心
清涼理勝是非遺慮淡形蹟忘歸鞍惜清境
佇立暮天蒼

擬漢：來帆重宴：去鳥遲

薄暮滿：雨何人獨倚欄濛：山氣重淡：
水攸寒草際光猶泣松梢滴未乾燈前未歸
客無夢到長安

擬何時風雨夜復此對床眠

幽居少人事有客來不連爐內火正紅尊中
酒新綠高齋始聞雁隔窓時動竹何當風雪
夜抱被還同宿

擬綠陰生晝寂孤花表春餘

卷之三

了無車馬迹終日掩禪關不下溪頭路坐看
蒼際山好鳥破午寂幽花淡春閑簪組方為
累來遊不知還

擬兵衛森畫戟燕寢凝清香

冠帶事朝謁清坐彈鳴琴以彼塵外趣速我

遺世心岸幘送歸鳥隱几見遙岑聊得靜者

樂豈必居山林

送麻徵君知幾

丹山五色鳳一舉眇天隅文采瑞聖世不為

竹與梧渥洼汗血種逸氣凌九區可見不可

繫白髻誰敢沽夫君號神童七歲能草書二

十工詞賦下筆凌紫虛三十富經學兩魁天

下儒娥眉眾女嫉反畏知名譽一朝相捨去

願以道自娛閑觀養性書洞究先天圖姓字

聞天朝相公借吹噓左丞薦從容拜恩命移

疾還里閭諸公惜其去乞留侍玉除掉頭不

肯住一飯吾豈無君看澤中雉飲啄良自如

一旦畜樊中意氣慘不舒又如田間牛騰擲

左丞世為三字
當在側注
別本在側注

適有餘被之以文繡顧影反踟躕君恩豈不
重力疾須人扶翁觀信美矣違已非病歟可
以激頽俗可以勵貪夫異時高士傳名與西
山俱

飲馬長城窟行

飲馬長城窟泉腥馬不食長城下多亂泉
多年冷浸征人骨單于吹落關山月茫茫原
上沙如雪十去征夫九不回一望沙場心斷
絕胡人以殺戮為耕作黃河不盡生人血木

波部落半蕭條羌婦翻為胡地妾聖皇震怒
下天兵天弧夜射旄頭滅九州復禹跡萬里
還耕桑但願猛士守四方更築長城萬里長

猛虎行

孤虎在深山一怒風林披朝食千牛羊暮食
千熊羆羆暴尚可制人還寢其皮旄頭飛精
光落地為積屍焚山赭草木血征成汚池萬
靈泣上訴生民將何為帝起勅六丁雷電下
取之埋魂九地底壑以泰山坻然後天下入

頗得伸其肩寄言顛越者毋得育種遺

傲老杜無家

弟妹他鄉隔無家問死生兵戈塵共暗江漢
月偏清落日黃牛峽秋風白帝城中原消息
斷何處是秦京

傲劉長卿出塞

上山搖白旗下馬駐旌麾虜騎數重合漢人
三日圍天寒短兵接日暮戰聲微萬里天山
北招魂葬不歸

又

初從召募軍麾下點行頻衣上雨行泪燈前
萬里身鼓聲青海振戰骨黑山塵落日邊風
起蕭瑟殺人

楊妃墓

灼灼陌上花青：路傍草人心任榮悴過眼
無醜好馬嵬三尺墳西出劍門道如何傾國
顏傷心不同老

李夫人

夫人臨訣時掩面羞人主空餘返魂香默：
不得語千秋百歲後粉黛化為土一笑不成
妍春風花自舞

延安滋戒師余初主安塞堡薄時相識
也今戊子歲春被命作醮平涼偶得
相會以四十三年之舊故集句以贈

之

五城何道：杜關河港：隔波浪許表民與
君別來今幾時盧翰林白髮三千丈王琪

形容變盡語音存東坡閑思往事是前身樂

天四十二年如電抹東坡欲談前事恐無人

子由龐眉皓首無住着杜臂上念珠如皎日

唐僧架上楞嚴已不看東坡更看脚根參一

節山谷人生何處不相逢丁鬼猶恐相逢是

夢中晏井原同是行人更分首山谷明朝車

馬各西東歐陽

閑：老人滄水文集卷第五

滄水文集第六卷目

律詩

塞上

其二

其三

其四

寒夜

三山渡口

西陵

柏人光武廟

正覺院

開元寺

散榮

陸渾

梁園中秋

梅和尚節使挽詞

又

溫妃挽詞

溫妃挽詞其二

和西溪思歸

獄中

徙倚

寒食遙奠西山寺

又

赴寧化宿王道

觀音院

蘆芽山

荷葉平

管州道中

代郡張氏瑞柏堂

謁北嶽

過黃崖

又

桃花島回寄王伯宜

咸平道中

慶雲道中

中秋金河感懷

登巢雲樓

和楊子元

又

松下獨酌

松山道中

壘翠嶠

其二

其三

陪李舜咨登憫忠寺閣

宿崔家庄

過罇水

通許道中

廬州城下

章宗挽詞

暮春

汝襲酒尊

湧雲樓雨

窮愁

又

和潘師韻

和政老九日韻

贈茅先生

大雪

又

雪霽

十月菊得深字

白雁

雪

野菊

岳觀

秋雨

手拍樺皮彈琴圖

早出新安

明惠皇后挽歌詞

其二

其三

其四

其五

其六

其七

其八

其九

其十

其十一

其十二
其十三
其十四
其十五
其十六
其十七
其十八
其十九
其二十
其二十一
其二十二
其二十三
其二十四
其二十五
其二十六
其二十七
其二十八
其二十九

其三十一

其三十一

其三十二

其三十三

其三十四

其三十五

其三十六

其三十七

其三十八

其三十九

其四十

河上

雪中登真定閣

連雪潮退

郎山襍詠

天城

馬耳峯

仙人峯

摩雲峯

獨冠峯

五芝峯

鬱秀峯

泓雲泉

上龍門

下龍門

奉命奏告山陵四首

遊崆峒四絕

青龍峒

仙人橋

翠屏山

參雲亭

閑：老人滄水文集卷第六

律詩

塞上

窮邊四十里野戶兩三家山腹過雲影波光
戰日華汲泉尋澗曲樵路入雲斜隨分坡田
罷還簪野草花

其二

目尋射鴈壘偶到殺狐川鹵地牛羊瘦邊沙
草木羶廢城餘井臼古戍斲烽烟自說無征

戰經今六十年

其三

薄宦邊城裏
經年無客過
一川平地少
四面亂山多
野色連秋塞
邊聲入暮河
舊貂寒更薄
飄寄欲如何

其四

樹靄連山郭
林烟接塞垣
斷崖懸屋勢
漲水沒沙痕
烽火雲間戍
牛羊嶺外村
太平閑檄手
文字付清樽

寒夜

歲晏寒無那
夜深清欲飢
竹風驚夢斷
雪意聽窓知
稍：鵲翻樹蕭
：人語籬
虛明滿吾室
何許月來時

三山渡口

春水三山渡
斜陽八字堤
河淤樹身短
沙截草痕齊
地納黃流大
天啣浚澤低
故人不見我
愁思使人迷

西陵

藹：西陵樹蕭條歌吹聲客愁連斷雁地古
更荒城山色嬌新雨河流怒不平浮雲臺上
起不盡古今情

柏人光武廟

真人開有漢帝業肇蕪萋洒落君臣契艱危
廟社圖山川扶鄣邑日月拱東都社稷千秋
里風雲四達衢北風吹雨雪西日照桑榆舊
物餘翁仲菜祠老祝平功臣遺像在時有鼠
啣鬚

正覺院

西日轉廊腰踈鐘送沈寒壞墻綠苦竹陂屋
上凌霄白髮知僧臘青燈更客宵葉聲風外
盡窸雨續蕭

開元寺

歲晏開元寺槐花落石龍僧瓶深碧甃蝸壁
篆金容窸影年：塔禽棲夜：鐘平生睡秋
雨竹閣味偏濃

散榮

解鞍成小憩散榮遂幽欣偶拂水邊石坐看
崑上雲桑麻深畏景水竹淡斜曛興寄方自
得清涼誰與分

陸渾

言從陸渾去不遇紫芝還鳥飛不盡處夕陽
千萬山雲起動兼靜水流忙更閑坐待石上
月滅沒烟嵐間

梁園中秋

今夜梁園月相逢照一尊他時千里共此會

幾人存老我追隨盡憐渠笑語溫不眠瞻玉
兔終夕露荷翻

梅和尚節使挽詞

鏖戰羣奔外申威一呼間功名歸死事義勇
鄙生還矢向胡天盡弓猶漢月彎君王思戰
苦起冢像天山

又

走卒知名將兒童說義州甘心輕白羽苦戰
脫兜牟援絕揮戈地創餘振臂秋英魂知不

泯結草抗邦仇

溫妃挽詞

白日森容衛青春
忽夜臺鼎湖龍已去
禡館燕空迴仙駕隨天遠
粧奩惻聖哀祇應彤史
上遺采不塵埃

又

容衛三春肅如何
一旦殊妃星淪紫極帝子
眈蒼梧卜地陪長樂
升天後鼎湖皇情何以
慰彤管載嬪虞

和西溪思歸

好在西溪隱人今
白玉堂興來看畫本夢去
拂西墻舊竹多年合
新松篔許長從渠黃石
老獨占白雲鄉

獄中

處順初無累安時故不憂
敢違身後慮甘向
死前休有姊如工部無兒似
鄧攸悠天地
意還許望松楸

徒倚

徙倚秋原上長吟動所思
草萊天馬瘦日落野鷹飢
多病親朋改中年齒髮衰
功名付公等才力况明時

寒食遙奠西山寺

榆中草色無春水稍漸車
野祭一盂飯鄉愁千里餘
年寒食客日故園踈莫訝
交親絕嵇康懶寄書

又

年來百事廢漸與世情踈
樓上一杯酒床頭

幾冊書春風疑混沌水月
似空虛頃刻翻晴晦吾心
淡久如

赴寧化宿王道

山屋如雞柵才容卸馬鞍
風吹四山雪月照一川寒
不敢侵星起惟愁上嶺難
中宵問前路安枕若為安

觀音院

棟宇懸崖上山光淡復深
夕嵐無遠近返照有晴陰
泉落莓苔石風生松櫟林
悠然成獨

別本作
觀音院

棟宇懸崖上風相勝
梁中寒通汾渚月清
帶雪山風若水垂瓶淨
茶燈鑿牖通仍開
馬頭寺別業亂山叢

北垞

驅馬北垞上山光澹後
深夕嵐之遠近近臨有
晴陰泉落苔苔石風
先松櫟林悠遊成獨酌
啼鳥是知音

酌啼鳥是知音

蘆芽山

荷葉平初畫蘆芽勢漸分
朝來知宿雨谷底見歸雲
日上松猶滴風來草自薰
臨溪歸路險萬笈下河汾

荷葉平

平生慣山水見之如等閑
竭來驚老眼何處無名山
嶺萃千峯外蒼莽一雨間
山神應解事為我洗孱顏

管州道中

龜手酸風裏寒多酒不勝
馬蹄荒店雪人迹
斷橋冰瘦骨成山字霜
鬚作戟稜綠窓三丈日
政俞夢騰

代郡張氏瑞柏堂

鬱、何年植盤、兀老蒼
文章深篆籀忠義
抱風霜子舍占烏鵲
孫枝託鳳皇主人廊廟
具會見拂雲長

謁北嶽

四大神儀一羣山大茂尊奠方荒奠宅視禮
配天孫西送虞淵暮東瞻碣石瞰寶符臨代
郡巨鎮挹并門控趙襟形壯色燕氣象渾九
河探禹跡萬里叫虞魂在昔登封始初無羽
衛煩千官駢部曲萬騎隘山樊卜地恒陽曲
移祠泰始元晉移祠曲陽荒碑刊歲月飛石
碣乾坤帝秩加黃屋宮居象紫垣雪楹仍芝
瑞雨砌裂槐根天業恢弘大山靈翊衛屯平
閭歸帝制長白發金源九廟龍監接三邦蛇

勢吞雲烟浮近甸日月繞中原款謁天香重
封題御署存銀金諸產富雷雨萬靈奔神聽
羞回德天聰納正言負時身九死去國泪雙
痕日近趨天關生還記聖恩許身空稷契無
術補義軒帝籙長棗祠仙岩張果村卜居如
可近重整此山轅

過黃崖

患難驚身在龍鍾感歲新山川愁倦鳥歲月
老行人落日黃崖古東風白雪春傷心潢水

北無乃久風塵

又

落日逢人恐深秋動旅懷
乳鷹家碧嶂飢席
乳黃崖此道將何適
吾生尚未諧傷心墟落
裏大抵有殘骸

桃花島回寄王伯宜

水破村橋擁春寒旅雁低
遠山封霧小高浪
與雲齊島寺明松雪
潮船濺藕泥詩情吟不
盡寄語畫中題

咸平道中

道壞緣岡遠村流自作塘
夕陽開野色秋水
納山光雨住林逾黑
鳥歸天更蒼冥搜無好
句淡墨寫微茫

慶雲道中

對岸青山隔孤城碧浪開
綠蕪天際合白鳥
日邊回渡口呼舟急
沙頭立馬催夕烟生極
浦欲上客衣來

中秋金河感懷

金山今夜月遼水一尊同雁影不復北馬蹄
猶向東山川新戰血宇宙舊飄蓬擾、餘生
事愁來醉眼中

登巢雲樓

烽火三年成沙沱幾戰場自予甘薄宦與子
各殊方寒木銅春色高樓傾夕陽如聞洗兵
馬失喜問臨潢

和楊子元

紅葉如人老黃花與世疎物華行婉晚天宇

迥登虛山作屏風畫雁成人字書相逢一杯
酒秋興各何如

又

小雨班、落庭槐、疎秋涵山骨冷天入
水痕虛多病難忘酒窮愁強著書深慚靈感
老時復問何如

松下獨酌

行人隱微迳古寺帶平崗山勢依城斷河流
入野長樹歌枝壞道草卧壑頽墻獨酌無人

共松風薦一觴

松山道中

松漢三百里飄然一日中山長雲不斷地迥
雪無窮遠嶺貪殘照深林貯晚風烟村一迴
首獨鶴下晴空

壘翠崑

枯枿似黔突斷崖如削爪林深自風雨地古
更烟霞脚力行將盡雲山殊未涯試窮千里
目直北際龍沙

其二

飛身清曠外着眼有無間崖斷疑無地雲開
更有山鳥隨天影没人自日邊還歸夢扶清
境詩情不得閑

其三

帳殿臨青嶂蒼崖裂翠烟孤根盤厚地秀色
入蒼天井有四時雪巖垂萬古泉皇情非暇
豫問俗到山川

陪李舜咨登憫忠寺閣

日月纏雙鬢風烟納寸眸雲山浮近甸宇宙
有高樓鳥外餘殘照天邊更去舟登臨有如
此况接李膺遊

宿崔家庄

野次寒山外人家霽雨中飢鷹蹲落照危葉
顛西風墻缺青山補橋歌白水通豐年間好
語倚杖問衰翁

過潯水

夕陽山豁處平照大河流漠漠雲間樹悠悠

天際舟黃塵隨匹馬白水自雙鷗會得閑中
趣浮生半白頭

通許道中

南征

曉逐三軍發清寒苦不禁征驂過野店寒犬
出踈林宿火留行客霜枝滑凍禽據鞍覓閑
句愁些不成吟

廬州城下

月暈曉圍城風高夜斫營角聲寒水動弓勢
斷鴻驚利鏃穿吳甲長戈斲楚纓迴看經戰

處慘淡暮烟生

章宗挽詞

鳳紀三千歲龍飛二十年竟辭徽號冊空頌
柏梁篇授聖金滕起遺言玉几宣建平何苦
識雨泣戴仁天

暮春

自嗟中歲在不與暮春宜非復歡娛地其如
老大時百年歸覽鏡萬事入支頤此意無人
會陶情一賦詩

汝蕤酒尊

祕色創尊形中泓貯醪醴縮肩潛蠅蟠腹
漲青寧巧琢晴嵐古圓瑤碧玉熒銀杯猶羽
化風雨慎緘局

湧雲樓雨

滿地江湖夢連陰晦朔秋雨中山似醉風外
浪如愁眼病憎黃卷心安任白頭明年一官
滿誰復話登樓

窮愁

乍喜三原伏還驚一葉涼窮愁天色少睡思
雨聲長掩卷悲興替懷人問在亡平生更開
府詩興未能忘

又

何處新秋好飄蕭意欲仙乍涼新雨後欲曙
未明前莎影蛩吟地松梢鶴唳天物情無好
醜適意各天然

和潘師韻

睽離三十載重此叩玄徽日月雙蓬鬢乾坤

一布衣月明渦水宿秋老華峯歸不得陪仙
馭浮生有是非

和政老九日韻

數日閑齋臥體中殊不佳那知是重九但喜
見黃花矯首懷天末携壺傷水涯琳宮題壁
處醉墨字欹斜

贈茅先生

二室神仙宅三茅道士家野人遺竹簾劉仙
編竹簾以給公朝夕弟子掃松花有道能擒

席無心任踐蛇天平有陳迹吾欲老烟霞去
歲兵至公庵公了無懼色兵亦不敢害

大雪

大雪無朝暮衰年見未曾園林春浩蕩川岳
氣憑陵雲慘天應漏陽微并欲冰欲尋安道
舍何處一龕燈

又

大雪欲平蒼黃昏氣轉巖天邊迷草樹雲外
共烏蟾天意平高下人情有愛嫌抱衾酬桂

玉樓上醉厭

雪霽

黃雲霽雪威寒日淡暉雨砌晴光滴風簷
落更飛侵凌池面瘦攤腫樹身肥長憶廬陵

老憂時詠鐵衣

十月菊得深字

地偏開較晚風勁可能禁雨漬金吳淺寒添
紫暈深抱叢無晚蝶窺縈有貞禽留待飄零
後梅花約重尋

白雁

波淨影逾白
霜清泪更哀
乾坤雙鬢老
風雪一聲來
林迥隱猶見
天長去復迴
物情嫌太潔
莫使羽毛摧

雪

羽雲連鄭圃
飛雪滿梁園
猛勢池心滅
清聲竹外繁
飢鴉寒啄樹
敗屨踵臨門
何以娛佳客
開軒對一尊

野菊

離：崑下菊無主
混蓬茅路斷秋
光隔山明水影
交荒蕪鳴蟋蟀
寒葉掛蟬蛸
擬訪陶廬飲柴扉
何處敲

岳觀

步屨方壇上行吟
避草芽蘆聲風拂
燕池影柳蹲鴉天
入濛：雨春歸淡
：花遊春心未老
牆外渡香車

秋雨

天邊認遙電
雲際尚殘陽
雨脚夜深白
濤頭

曉霽黃沙邊明雁影林下見山光擬畫登高
興秋懷祇自傷

手拍樺皮彈琴圖

何人聊幻巧袖裏出毫端道眼無二見心齋
廢六官煩君無耳聽寓我非指彈擲却伯牙
手秋風萬籟寒

早出新安

夜宿新安驛平明雪塞驛馬頭迷舊路席跡
印新蹄冰凍寒流峽天脚遠路低人稀山店

遠茅屋只聞雞

明惠皇后挽歌詞

皇明齊月象厚德配坤元惻怛憂民意勤勞
毓聖恩國風悲卷耳星緯暗軒轅喪妣人心
痛哀號望寢園

其二

威儀文物備祖載出最塗薄葬追三代巖裡
致九虞仁恩遺鳳詔功德載龜趺左右重興
業詩書讚永圖

其三

太極齊元始三光並照臨
勤勞憂國念惻怛
愛民心玄鳥歌殷母思齊詠
太任兩朝難儼
美萬古播徽音

其四

階蕙凋葉盡宮漏滴聲殘
玉几俄遺訓龍樓
罷問安雲容愁慘戚風色慟
悲酸萬古餘功
德煌煌玉冊寒

其五

疇昔占虫夢今來嘆鳳飛
漢宮遺內則文母
謝芳徽永臥重泉夜空餘
大練衣魏郊寧久
駐會有德陵歸

其六

阿母瑤池去應歸海上峯
寶奩空有象練幄
靜無蹤孝享嚴三廟輿儀備
九龍獻陵今密
迹揮泪洒楸松

其七

聖德高千古慈闈卜萬春
地維傷絕紀月彩

忽韜輪應物歸先識憂民感至仁神儀雖已
闕遺範不埃塵

其八

膺符稱太母衍慶廣金源衣練蠲重彩躬蠶
屈至尊賜冰防病暘恤獄恐民寬孝意遵遺
訓詞臣嘆永言

其九

葛覃歌節用卷耳頌求賢遽歎人間世還為
物外仙會觀羞泉露無復夢捫天玉座虛長

樂依然夜月懸

其十

謙抑傳家法寬仁沃帝聰禮崇光教塔時奉
孝巖宮阜隸息皆及嬪妃愛恚同統階花泣
露應是怨西風

其十一

慶源鍾馬鄧何止活千人陰化行中壺私權
抑外親鳳輿歸厚夜蠶館閉長春蕭寺諸嬪
御能忘賜饍頻

其十二

方享東朝奉俄幾甲子還玉梳音窅：彤管
事班：陵寢音容闕蓬萊日月閑丁憂遺詔
在恩澤滿人間

其十三

式屬多難際方承長樂歡霜飛金殿冷月沒
桂宮寒雨泣愁雲慘風悲薤露殘南山為樂
石遺美豈能刊

其十四

一紀坤儀正千齡母範章徽音齊太如厚德
配娥皇衣練昭純儉因山戒厚藏傷心彤史
上千古播遺芳

其十五

維氏傳仙裔燕山啓夢符化人先正已祈福
為民敷疾殆申遺命憂深示永圖傷心虞帝
事烟雨暗蒼梧

其十六

奔走来羣辟哀摧慟百靈妖氛湮霹月霄漢

殞軒星玉几遺周訓
粒奩泣漢遶近畿
道薄葬神意想來寧

其十七

身尊恒率禮名正更持謙
拊掖坤儀正天遶
母訓嚴鴻名登玉簡
遺像入霜縑異日朝陵
處應須啓鏡奩

其十八

寬和能待物凝密勸行仁
道德持三寶恩私
逮四民兩朝隆漢禮
十亂冠周臣一旦仙遊

去空餘四海春

其十九

心知為善樂敬傳又尊師
國化濯衣儉民歌
賜藥慈誦經虛玉案
奉物冷金彝遺旨無窮
恨風吹徧九疑

其二十

六緯辭秋殿玄堂啓夜扉
一朝歲壽器千載
闕容衣懸象軒星掩哀歌
薤露稀松楸交隧
道會有五雲飛

其二十一

保阿成訓在閭闕令儀昭儉德高千古仁聲
溢兩朝事隨流水逝愁逐冷雲飄仙馭知何
適憑誰問沈寒

其二十二

陰化昆乾造熙朝賴母臨功勳新女史德澤
浹人心偃月丰容閔軒星瑞彩沉笳聲哀不
盡陵柏自森

其二十三

元勳施社稷茂德庇人民色養嗟中阻靈遊
忽上賓侍臣歌薤露神物護龍輜祔廟推尊
謚千齡寶冊新

其二十四

太如敦周化塗山啓夏家尊名天比峻泚德
日增華孝享心何切仙遊望愈賒空餘遺令
在琴慕極幽遐

其二十五

天禍纏興慶幽堂掩后幃徽音知有嗣孝養

痛長違夜月空樹屋秋風冷玉衣遙瞻陵寢
上慘淡暮雲飛

其二十六

風急搖寒樹虹蜚薄太陰雲隨仙馭遠塵入
綺簾深索莫長秋外蕭條湘水潯聖情時恨
望流淚滿宸襟

其二十七

吉夢捫天後明禋配地時嬪虞章泚慎生武
極恩慈無復金輿返空瞻画翼馳蕭：松柏

路長夜闕神儀

其二十八

玉音昭懿行彤管列閑休今日歸陵寢何年
返玉樓聖心方盡孝鸞馭竟難留陵樹西風
裏千秋萬古愁

其二十九

羣生資茂育至德果難名憑几言猶在目山
事已成西風翻画翼落日送銘旌羽衛歸來
晚蕭：萬馬鳴

其三十一

音容歸壽器管御玉衣閑聖孝空如慕慈顏
痛莫攀雲愁縈汴水霧慘鎖夷山悵望白楊
露翟車竟不還

其三十二

孫謀貽嗣聖內教輔先朝孝敬全終始勤勞
繼夙宵民災憂水冷邊患慮天驕大漸惟幾
際猶思儉德昭

其三十三

一紀成功著乘鸞上九天物生思德載聖慮
想息憐儉素言猶在寬慈事有傳禁闈斜日
晚空裊寶爐烟

其三十四

飄飄成遠駕寂靜掩玄堂蕩：神功著魏：
聖業彰周任揚溢美漢鄧藹餘芳末命丁寧
意憂民不暫忘

其三十五

褒譖存公議無慚六后名
粧奩空有迹佩玉

寂無聲登享升清廟哀號動聖情神靈陰有力保祐再升平

其三十五

蘋藻親三奠禱禴備六衣坤元方載物軒宿
遽淪暉廟貌巖新祔神遊邈不歸白雲無處
所長倚德陵飛

其三十六

馮相方觀祲巫陽忽告灾千秋臨寶殿一夕
閔泉臺纒拂悲長往靈輶挽不回昊天思罔

極長使聖情哀

其三十七

仙源周太子華裔漢徵君生聖休祥著憂民
儉德勤姜嫄懿範光烈志鴻勳輔就中興
業飄然返白雲

其三十八

蜃輅陳彛憲龜人獻吉占郊衢茄鼓咽羽衛
甲兵巖雲氣迎鸞馭秋塵翳寶奩祝官揚至
德簡冊發幽潛

其三十九

月殿封鸞鑑風幃卧佩環百神來肅衛萬騎
盡虛還雨泣銘旌濕風淒德幄閑仙遊無覓
處追慕慘宸顏

其四十

月暈驚虧薄川流駭沸騰憂勤終爽豫報施
似無憑長夜扁銀海愁雲慘玉繩聖心哀念
切素幄每晨興

河上

築堰分泉脉開滙斷荻芽風期占月暈水信
識桃花早愛瀕河麥晴憐喚雨鳩春隨挑菜
侶月趁捕魚舟

雪中登真定閣

風月不如意寺樓高處吟城中十萬戶一雪
太平心

連雪潮退

夕陽明島寺海氣入邊城潮落青魚出泥濘
白鳥行

郎山雜詠

天城

造化搏清氣秀出天城山青松伴僧老白雲
如我閑

馬耳峯

房駟落入間入石露雙碧月明聞夜嘶驚落

山頭石

仙人峯

世界幾微塵古今一昏曉笑謝區中緣獨立

萬物表

摩雲峯

青山本無情白雲自來往身在浮雲中仰看

浮雲上

獨冠峯

大塌難為兄小塌難為弟百里見主峰衆山
皆迤邐

五芝峯

白雲如幽人出山本無期朝來抱幽石五峯

成六芝

鬱秀峯

道人西澗來衣上南山雨心知石堂烟晴峯

正堪數

泓雲泉

藹：春雲滋岩溜滴泉乳獨留一泓碧去作

人間雨

上龍門

南北兩石門上下一靈鷲仰看蓮峯立忽見

天門透

下龍門

亂峯排鳥道一水會龍門禹力不到處猶如

滄海尊

奉命奏告山陵

祇命款園陵併裝事行役黃茅宿篋程青山

館三日

其二

西山積翠氣空外摩青天飛筇不到處獨鳥

冲寒烟

其三

山前紅樹合 山頂白雲封
山中有蘭若 日暮聞疎鐘

其四

山月出未高 林深鳥猶夢
霜落人未知 寒添角聲重

遊崆峒四絕

青龍洞

青龍不可見 雲自洞中出
為雨濟人間 歸時杳無跡

杳無跡

仙人橋

絕澗初無路 通仙忽有橋
偶携青竹杖 平步到雲霄

翠屏山

山作屏風樣 其如空翠何
不遮秋塞盡 空障夕陽多

參雲亭

鳥語山更靜
松聲風自寒
不嫌雲氣濕
來此
凭欄干

閑
老人
滄水文集卷第六

滄水文集第七卷目

律詩

春山詩意圖

春日即事

酷暑

又

棕扇

三臺懷古

寄王學士

登友雲亭

除夜

又

娛暉軒

馬頭山清居院

松聲

抹里湛酒

連雲島望海

庚申元日

送張仲山

和林卿錦波亭韻

白霄襍興十首

南園

翠微軒

鎮國寺

七金山寺

野香亭

靈感寺

蘭若院

金河寺

趙園

扈蹕萬寧宮

琵琶嶺

拂雲平

金蓮

五月牡丹

和王正之寄遠

又

甲子元日大安早朝

紅梨花應制

轅門不寐

寄懷

賦雪和張子野巡字韻

楊祕監畫高士過關圖

重陽後雪寄馬柔克

過代

靜陽道中

題郝運使榮歸堂

遊郝家樂

又

題近侍局使聚扇

張清獻公慶八十壽

上方

題右丞畫荷蓀圖

遊上清宮

又

送月上人赴少林

登定安閣

許州襄城縣進嘉禾乃合穎者賦

應制

陳州進黃鸚鵡應制

寄陳正升

贈磨鏡李先生

記夢

登天壽閣

和劉雲卿

和種竹

寄元裕之

送宗飛卿

又

至日次劉雲卿韻

百五日獨遊西園

題王摩詰畫明皇劍閣圖

和欽止河中即事

吊袁用之

古瓶臘梅

雪意

粟

憶燈

射席

冬至

菊

又
九月十一日夜對月

答趙慶之節使

題劉萊州像

九日會極目亭

再和

過揚太尉墳

過邠州

又

過慶陽

暮春得寒字

秋雨

百塔

過石氏園

上巳遊西園分韻得蘭字與楊禮

部携同院諸公賦

又

挽劉雲卿

楊尚書宮直雪作擬應制作詩某
時在暇聞而和之

又

二月見梅花

春寒花較遲

殘梅

杏花

慶學士并獻七十壽

又

訪天寧周老

閑人澄水文集卷第七

律詩

春山詩意圖

何年身入畫圖傳
似是三生孟浩然
詩句工夫驢背上
醉鄉田地酒旗邊
一川芳草綠堪染
夾路杏花紅欲然
想見歸來泥樣醉
却如醜水柳三眠

春日即事

支願偶到野人家
揔把深心付物華
鳥毳餘

情閑日月花心深
蠹半塵沙遊絲送上風中
柳亂沫分屯水際
植且共年光暫觀化直須
美酒送生涯

酷暑

林鴉開味忘飛騰
天地為爐萬象蒸
水井湯塵幾千尺塔鈴風
閱十三層夢魂正遠雲帆
客画本閑臨雪麓僧一枕
南窓惟靜勝不須
赤脚踏層冰

又

石枕繩床夏簟藤榻
膚終日歛敲蒸夢飛楚
澤三千里人在秦樓
十二層松頂露涼時
警鶴山房泉冷獨輸
僧人間膏火塵城市
世外清涼勝飲冰

棕扇

犀甲龍鱗倚半空
抱歸掌握自清風
山精附木鬚髯古
回祿煽炎尾鬣紅
何處青蠅千里外
向來白羽一揮中
水邊石上應須此
乞與文園病肺翁

三臺懷古

人道奸雄君似鬼，奸雄我道鬼。
輸君身猶北，面魏基建骨。
入西陵，漢鼎不貪與卯金。
成舜禹不知典，午笑桓文清。
漳不洗前朝惡，日遠三臺送夕曛。

寄王學士

寄語雪溪王處士，年來多病復何如。
浮雲世態終：變秋草人情日：踈李白一盃人月影。
鄭虔三絕畫詩書，情知不得文章力。乞與

黃華作隱居

登友雲亭

友雲飛觀鬱崔嵬，落木蕭蕭聽者哀。
九日朱絃和雁新，開年黃菊費詩催。
淮天雨露橙千里，梁地風烟酒一盃。
此日此生人共醉，明年重健與誰來。

除夜

梅花無信報平安，又聽譙門畫角殘。
荒郡人烟窮臘外，上方樓閣晚雲端。
沉：鳥沒天無

盡漢：烟昏山更寒日暮數峯猶帶雪城頭
霽色入欄干

又

龍鍾三十九年春諱說新年似諱貧醉白名
堂甘後進小坡着號似前身自憐耐辱稱居
士人笑無機似道人斷送生涯一枝足不須
長物擾天真

娛暉軒

石晉地形今日眼幾人亭榭幾人詩數州山

水有窮處萬古風烟無盡時天逐南帆秋雁
遠峯遮西望夕陽遲客來欲問忘歸意掛起
僧軒君自知

馬頭山清居院

每逢佳處輒安鈴及到清居半日慳曉僻撼
鐘雲離石夜泉洗鉢月搖山人生能作幾時
客林下都無一箇閑不信試看題壁字明朝
多是馬頭還

松聲

飛廉作意怒髯龍萬壑千巖氣象雄獨鶴夢
中搖夜月七絃微外寄秋風石壇醮罷支筇
裏天竺齋餘隱几中想見終々吹子落山堂
一洗耳偏聰

抹里湛酒

乍坼香泥甕釀成一鞭先到日邊城玻璃色
映薔薇露沆瀣光浮金菊萼偶脫中州先酒
譜賴傳後世以詩名相如病渴烏能賦久矣
吾衰畏後生

連雲島望海

壯觀天東第一遊曉披絕島寄冥搜烟中熊
岳隨潮沒天際遼江入海流地絕四維那見
樹風來萬里忽通舟我從析木西南境回望

中原四百州

庚申元日

一從禁苑別花磚四度山城自作年愁裏耕
盤雙泪落望中歲酒缺人先此心不動吾何
敢老去知非理固然白髮無兒何足道且收

見在鬪尊前

送張仲山

千山飛雪白皚皚，袖裏吟鞭送客來。
鬚出冰霜年兒改眼藏，狐貉語音猜風吹陰磴魚鱗。
卷日曝陽坡龜兆開，北去人烟山店遠且煨。
新火煖離杯。

和林卿錦波亭韻

使君興寄本翛然，愛此澄波清且漣。
楊柳陰中黃鳥地，芙蓉香底白鷗天。
涼通簾幌風生

座露沉琴尊月滿，船相見仙裾乘一葉。
恍疑太一下雲邊。

白霄雜興十首

黑山潢水解弓刀，茅屋朝來聽伯勞。
萬里馬辭邊雪苦一聲，雁拂朔雲高。
關山落日家何在，詩酒春風氣尚豪。
試上荒城望鄉國，重來清鏡鑷霜毛。

南園

塹水垣城斷往還，青林路轉疑幽關。
百年樹

腹通人過四月花枝對酒閑
逸馬風牛春雨草荒天老地
夕陽山金丸逐勝非吾事
心在歸鴻滅沒間

翠微軒

千里風烟棟宇間
地形西去接松關
尊前奚霁來朝地
雲外幽營不斷山
故壘蕪城人物換
新霞落日古今閑
百年興廢人空老
水自東西鳥自還

鎮國寺

靈鷲飛來處
尊緣雲細路
絡城根百年樓
殿倚天末萬井
風烟當寺門
五月微涼清佛
界六時豪吹動
祇園四山放入
無多力乞與
西南構一軒

七金山寺

剝蒼篆額蠹蝸涎
像教塵埃閱百年
殿棟猶題遠日月
圖經不載禹山川
荒碑盤屈蜿蜒
古壞壁參覃罔象
拳想見當時崇奉
日無邊花雨散諸天

野香亭

半空欄檻倚雲根
暇日登臨付一樽
山上青蓮惟見塔
水邊綠樹定知村
花枝低拂尋春騎
杜宇頻傷久客魂
過盡芳時遊客少
一軒風雨送黃昏

靈感寺

徒河岸北白蓮東
法鼓驚飛碣石鴻
塔上風烟高鳥路
山頭雲雨化人宮
松林碍日蜂房冷
石砌顏沙蟻穴空
欲盡休公揮麈樂
鬢絲

羞對落花風

蘭若院

傳經蘭若歲時同
繡轂珠簾處：逢花院鳥
歸深殿磬雨樓人散
隔城鐘長空淡：吞平
野落日微：見遠峯
年去年來人自老
空餘壞衲掛長松

金河寺

何處人間六月秋
金河寺外水西頭
坐分游客青天暮
醉倒詩仙白玉舟
萬里南風雙老

鬢百年心事一沙鷗
王侯蝼蟻俱塵土
一咲從來萬事休

趙園

佳木千章曲岸南
此園閱世似飛禽
地幽花晚春兼夏
山近嵐昏晴似陰
溪雨斷橋愁渡
水樵風吹帽怯穿林
馬頭納、沙邊路霜葉
濃時憶重尋

扈蹕萬寧宮

一聲清蹕九天開
白日雷霆引仗來
花萼夾

城通禁蘂曲江兩岸盡樓臺
柳陰罅日迎雕輦
荷氣分香入酒杯
遙想薰風臨水殿
五絃聲裏阜民財

琵琶嶺

曉拂朱欄滿袖風
支頤吟望翠微中
薄雲漏日巖開碧
淺露離花澗滴紅
馬散平坡臨水聚
人來盤路到山窮
子雲老大無才思
懶賦長楊五柞宮

拂雲平

萬疊雲山最上頭，千官影裏侍宸游。
翠巖秀色來天地，黃嶺嵐光上冕旒。
帳殿影臨眠鹿地，蕭韶聲入射熊秋。
翠華指日東巡狩，回望中原第一州。

金蓮

一色天蓮玉色中，離宮風月滿雲龍。
向來菡萏香銷盡，何許薔薇露染濃。
秋水明邊羅襪步，夕陽低處紫金容。
長楊獵罷回天仗，萬燭煌煌下翠峯。

五月牡丹

好事天公養露芽，陽和趁及六龍車。
天香護日迎朱輦，國色留春待翠華。
穀雨曾霑青帝澤，薰風又卷赤城霞。
金盃薦瑞休嗟晚，猶是人間第一花。

和王正之寄遠

人生會合少知音，一榻高懸肯重尋。
後日相逢應老大，何時一笑共登臨。
三年京國塵埃夢，千里故人離別心。
想見詩來愁劈帙，倚欄

清快比風襟

又

鐘鼎功名自有時如公才力不嫌遲且尋彭
澤蘿邊菊莫賦玄都觀裏詩晝寢執經童子
問春遊齋印吏人隨懸知山縣無公事好續
琴高第二碑

甲子元日大安早朝

關角蒼龍建斗杓衣冠萬國大安朝使臣未
入分班立殿陛將升按笏招彩殿中間瞻北

極丹墀側畔聽蕭韶太初甲子天元朔萬歲

常瞻玉燭調

紅梨花應制

染根月窟費天工眼底梅花夢不同春色似
憐啼夜雨天恩特許醉春風袖障翡翠餘輕
碧雪點胭脂暈小紅漢主蕊宮三十六溶
和氣月明中

轅門不寐

蕭：傳柝月三更欹枕轅門聽鼓聲戰馬不

肥淮甸草征人愁望歷陽城
兵戈荏苒音書絕
行李蕭條蟻虱生
早晚樓船下揚子
滿天風雨洗蠻荆

寄懷

不問山林與市朝
大都鵬鷃各逍遙
歸心老去投林鳥
壯志春來挂壁貂
聖處工夫惟易可
閑中日月以琴消
十年鏡裏功名事
白髮年來漸不饒

賦雪和張子野巡字韻

翰林風骨玉為神
天遣蒼花送酒巡
侍從驂騑應白鳳
神仙官府不紅塵
懸知穎尾風流舊
不及鰲頭句法新
天上玉堂誰得見
風光袞袞筆頭春

楊祕監畫高士過關圖

三生自是竹林遊
寫出荒寒意外愁
世事盡如翻着襪
人生剛笑倒騎牛
關山風月詩千首
富貴豪華土一丘
獨有文章磨不得
至今圖畫想風流

重陽後雪寄馬柔克

朝來飛雪白糝糊城郭山川入畫圖一色乾
坤還太素萬家樓閣化清都狐裘貂帽將軍
騎金帳羊羔太尉姝何似吾家正清絕曉窓
吟撚凍鬚

過代

金波曾醉雁門州端有人間六月秋千古河
山雄朔部四時風月入南樓漢家戰伐雲千
里唐季英雄土一丘繫馬曲欄搔首望晚來

閑殺釣魚舟

靜陽道中

路轉山腰步：迷高林淺水下回溪蒼花釀
蜜蜂貪腹柏葦儲香麝養臍不覺困來尋短
步偶逢佳處入新題何時更到園林寺看遍
峯巒處：低

題郝運使榮歸堂

翰墨聲名四十年歸來還作地行仙柴桑問
路陶元亮洛社休官白樂天拄杖扶兒還客

拜畫圖繪老聽人傳窮秋雨慘陂田出想見
騎驢興渺然

遊却家樂

山崦人家半夕陽倚墻爭看騎紅妝野泉自
入它州界古碣猶存舊姓鄉蛇出廟孺神古
柳牛尋沙溼鮫柔桑蟬聲抵死催歸騎辜負
亭陰一枕涼

又

水際林間杖屨香綸巾野服道家粧婦姑辮

續欣同社翁仲扶筇不出鄉拜跪使君嗟老
大逢迎地主問耕桑今秋一飽天難必且快
新苗雨後涼

題近侍局使聚扇

早朝携入紫薇宮日用都歸掌握中運動樞
機真有道卷歲懷袖不言功宸旌永日更番
暇水殿微涼侍宴終願以微軀奉清燕仁聲
宣播舜絃風

張清獻公慶八十壽

富貴康寧壽八旬明時乞得自由身官途班
列聯三事家法中朝第一人踈傳未歸東海
郡白公獨享洛城春羸金換得傳經業留與
玄成贊化鈞

上方

山近西臺易夕烟東臺占得夕陽偏貪看歸
鳥過林隙不覺竒峯墮眼前土竈夜燒松葉
火石盆曉漱菊花泉丹梯橫絕青山路勸子
先參鳥道玄

題右丞畫荷蓀圖

杏花菖葦雨聲春甘作明時荷蓀身只道烏
鴉猶父子豈知螻蟻亦君臣杖頭明月挑周
器松下衣冠自舜民好在丹青王右轄解迴
枯槁入陶鈞

遊上清宮

霜葉蕭蕭覆井欄朝元閣上玉簪寒千年遠
鶴歸華表萬里宮車泣露盤日上霧塵迷碧
瓦夜深月露洗蒼壇新碑膾炙人何在吏部

而今不姓韓

又

暇日登臨近吹臺夷門城下訪寒梅鰲頭它
日幾人在樽酒而今一笑開秋潦滲餘村迳
出夕春鳴處野禽來醉歸扶路人爭看知是
詩仙閬苑回

送月上人赴少林

隻臂伽黎不作難將心到處遣人安瓶離汗
水秋風冷錫入嵩峯夜月寒篋裏贈詩更雨

曝囊中施鉢對風餐心知擬就東林宿已向
林梢薦剎竿

登定安閣

翬飛高閣迴凌虛中有盤：一塔孤千里河
山隨指顧諸天日月遶彌盧神超罔象遺身
世眼 蒼茫一有無便欲乘風遊汗漫幡然
回首念南都

許州襄城縣進嘉禾合穎應制

襄城：下壤歌傳驛奏嘉禾到日邊穎合周

王新雨露畝分黃帝舊山川太平氣象聯珠
琲明德馨香列豆邁萬國和同歸帝治古書
願獻補遺編

陳州進黃鸚鵡應制

隴鳥明時亦效祥天教合侍赭袍黃九重城
裏駢鶯舌百子池邊借鵲裳夜臂翠簾條脫
匝春籠珠殿荔枝香紫宸朝退鳴稍遠偷學
山稱萬歲觴

寄陳正升

渺：西風去翼輕霜林楓葉動秋聲嵩邱競
秀容多可河洛爭流忌獨清廣武山川留故
壘城皋草木闌空城憑高一掬英雄泪付與
窮途阮步兵

贈磨鏡李先生

自笑年來白髮公丹砂不肯借顏紅分無海
上三山藥來訪人間百歲翁黃瀆何曾浣明
月青天元不碍冥鴻何時相約丹元子便欲
目之乘曉風

記夢

六年京國鬢塵黃一望家山一斷腸
病後始知謀退晚夢中猶記和詩忙
風來竹裏娟娟好水過花間冉冉香
夢向學道無成還自笑人生習氣果難忘

登天壽閣

人間去日無處避天上雲居即寶坊
鳥飛無碍長空濶人意自生高閣涼
風來為作不請友午夢徑到無何鄉
黃昏索馬出門去猶望

東華塵土黃

和劉雲卿

屏山歿後使人悲此外交親我與雷
千里老懷何日寫一生笑口幾回開
心知契濶留陳土將復登臨上吹臺
目極天低雁回處西風忽送好詩來

和種竹

君家種竹五七箇我亦近栽三數竿
兩地平分風月破大家留待雪霜看
土膏生澁葉猶

卷客枕夢回聲已寒見此又思君子面何時
相對倚欄干

寄元裕之

久雨新晴散痺頑一軒涼思坐中間樹頭風
寫無窮水天末雲移不定山宦味漸思處
樂人生難得老來閑紫芝眉宇何時見誰與
嵩山共往還

送宗飛卿

雄豪兩妙秀而文不獨吾云人亦云賀監早

知仙李白薛宣那得吏朱雲秋風汴水傷今
別明月邠郊與子分瘦李之純髯雷希穎隔
存沒只愁詩壘不能軍

又

未能免俗聊從宦遙望孤雲憶舊廬不樂經
歸真吏隱得閑隨分寄僧居關山牢落三年
夢行李蕭條一束書想見蓮花峯下過路人
遙指倒騎驢

至日次劉雲卿韻

此生天地一陳人百歲三分過二分老去光
陰空惜日愁來世事猶看雲靜中剝復觀消
長身外榮枯糾紛猶有憂時心未已臥聽
見誦戰場文

百五日獨遊西園

西園啓鑰起芳塵滿眼風光不屬春樓閣人
非空似舊溪山歲久却成真斷橋沒板橫斜
艇古木歌垣碍去輪老去搜詩厭厭斷晚風
吹水白鱗

題王摩詰畫明皇劍閣圖

劍閣森危隔錦官雲間棧路細盤天迴日
馭長安遠雨滴鈴聲蜀道難當日大軍同駐
馬他時萬里獨回鑿傷心凝碧池頭向有底
工夫作畫看

和欽止河中即事

鶴鶴樓前一望時長河奔竄送斜暉人歌人
笑笑興廢年去年來今是非寒雨渡頭人斷
渡秋風汾水雁來稀千村萬落人烟霽更許

砧聲暮擣衣

弔表用之

卜築中條四十秋
安排佳處近休
隱居境
為王官勝仙伯
名目少室留架
上殘書灰燼
冷囊中妙藥
鬼神偷傷心
天柱峯頭月
曾照
先生杖屨遊

古瓶蠟梅

石冷銅腥苦未清
瓦壺溫水照輕明
土花碧
暈龍紋澁燭
泪痕踈雁字
橫未許功名歸鼎

鼎且容風月入
瓶罌嬌黃喚起
昭陽夢漢苑
淒涼草棘生

雪意

門巷蕭條日易曛
豆蔻灰燼落江雲
眼花淡
淡初疑見耳重
蕭蕭竟不聞
便可一盃平體
粟不須六出
點衣紋
殷勤急遣蓬萊使
探到
梅花破幾分

粟

漁陽上谷晚風寒
秋入霜林粟玉乾
未拆椽

欄封萬穀乍分混沌出雙丸賓朋宴罷煨秋
熟兒女燈前爆夜闌千樹侯封等塵土且隨
園芋勸加餐

憶燈

悵望天涯驛騎塵
須玉甲破芳新
可憐虛度梅梢月
無計相陪竹葉春
三日手香頻入夢
一年秋好不關身
快須準備新詩句
倘有

金苞贈故人

射帚

眼花百步透林寒
抵死嗔人守九關
只道草中藏白額
豈知世上有黃間
才聞父老愁三害
條見熊羆寢一斑
寄謝咸陽嘆黃犬
何如霧豹隱南山

冬至

天時人事不難量
消盡羣陰又一陽
千里家山憑夢到
數莖白髮為愁長
老來度日惟經卷
病後關心祇藥方
六十之年今過五
不須苦死問行藏

菊

水冷雲疎木葉黃
遶籬日送雁南翔
酒傾桑落林廬靜
秋入騷人齒頰香
人惜後期霖雨
露天教晚節傲風
霜憑誰寄語陶元
亮不為南山興自
長

又

西風吹葉靜
千林獨有幽香伴
苦吟細蕊宮
槐舒碧
破小花佛頂
暈黃深誰憐
細雨情何
限可思清霜瘦
不禁寄語見曹
莫輕折重陽

留待付孤斟

九月十一日夜對月

無花無酒過重陽
轉覺閑居興味長
明月豈隨人薄厚
黃花不逐世炎涼
閏年節晚初過
夜老境衾寒知有
霜情境喚迴蝴蝶
夢起尋竹影據胡
床

答趙慶之節使

故人別後定何如
春雁來時忽寄書
壯歲從軍幾人在
老來分守五年餘
掛冠無計追弘

景撲被何時行魏舒遙想西川賢父老爪疇
開伴故侯鉏

題劉萊州像

當年二老趙張儔王脩然知府焦明鏡運使
獨許先生第一流異政曾聞山鬼伏直聲須
向古人求從來走卒知司馬到處兒童說細
侯惆悵當年舊遊處羊曇不肯過西州

九日會極目亭

孤亭高壓冷雲堆九日登隨貫酒盃魏國河

山殘照在梁王臺殿野花開鷗從白水明邊
沒雁向青天盡處回未必龍山如此會座中
三館盡英才

再和

秋興高於灑瀨堆秋光併入阮公盃霜凋蒲
劍三稜折雨裂荷衣十字開北雁遠浮梁水
動南雲低抱楚天回前年此日登高會點檢
惟無短李才謂屏山死矣

過楊太尉墳

道傷古塚入荒榛下馬摩娑漢八分誰謂黃
天無老眼却令大鳥泣孤墳獨携一盞霜風
酒一酌三峯日暮雲李杜就誅鉤黨起可能
天下獨傷君

過邠州

地靈物秀古稱雄前有汾陽後范公千古山
川形勝地兩朝人物畫圖中一家忠厚餘風
化七月蠶桑詠女功誰識聖賢遺意在秦離
篇末離幽風

又

遙看涇水遶城流下盡坡陀始見州歲暮簡
書催出塞天塞風雪送行舟坡田井龜圖
畫山路盤篆印繆更欲殷勤訪陳迹夜深
燈火伴牢愁

過慶陽

地形占得古金湯感嘆當時古戰場父子一
家三范帥功名異代兩汾陽四山帶郭環天
險二水分流會女墻想見公堂無一事臨川

閣上日飛觴

暮春得寒字

九日聊偷一日閑三分春色二分闌
鄉關夢裏人空老風雨夜來花更殘
乍圻甃泥羔酒熟未開火禁粥錫寒
何時投劾歸田去楊柳陰中把釣竿

秋雨

十日秋霖不出門前流水似江村
牆頭新竹大於母砌下老桐今有孫
澤雁背飛驚吹

急濠魚送上避河渾秋風未得乘槎便擬控

扶搖北海鷗

百塔

松林橫截東南野蘭若斜連子午庄
平楚風烟開鄂杜新碑歲月自隋唐
樓頭山入詩人座砌下泉分衲子房
更欲秦川窮勝槩却從高塔望雲陽

過石氏園樂天故居

石氏園亭竹一圍眼前勝事只心知
幽禽有

語能留客流水無情自入池客裏歲華將盡
日梅邊春信獨來時醉吟後無吟者又得
閑、一首詩

上巳遊西園分韻得蘭字與楊禮部携

同院諸公賦

相逢草、即盃盃誰識吾曹箇裏歡燕蹴蒼
花墮茵席魚搖波日動欄干無窮照影溪、
柳不住吹香晚、蘭已屬清明連上巳更容
飛蓋接鴛鴦

又

跨鳳騎麟玉筍班蹇驢不作杜陵酸已煩
蠶紙書陳迹更許仙舟泛碧瀾酒令致師嚴細
柳詩朋麈戟劇臯蘭遨頭却返瀛洲去夢覺
揚州鶴背寬

挽劉雲卿

人物於今嘆渺然如君才德幾人全忠言唐
介初還闕道學東萊不假年黃壤苦埋經世
志清醴未了讀書緣西園酬唱空陳迹泪洒

南風璧素箋

楊尚書宮直雪作擬應制作詩某時在
假聞而知之

霰雪霏：點玉英玉堂鈴索俏寒生也應天
上多端慕無賴人間有化城兔苑目之賢者
樂羊羔加以聖之清吾曹安預籌邊事且及
新年賀太平

又

黃昏陡覺俏寒生漏澁銅壺第幾更未放六

花齊苑樹先留半月換宮城一陶風俗還純
素盡領乾坤入太清應似上方觀下界放教
雙眼一時明

二月見梅花

不應開處避嚴冬無賴春寒雪尚封縱使風
霜欺爾瘦可能桃李為君容罷眉都尉嗟何
晚飛騎將軍嘆不逢畢竟榮枯無定在此花
勸汝倒金鍾

春寒花較遲

吟懷常恨負芳時及至春來雪尚滋
榆莢半含樹粒色柳條未變麴塵絲
墻陰更覺花開晚水冷應知雁到遲
慚愧蓬萊老仙柏已廻和氣入新詩

殘梅

寒梅不作白頭新相對依似故人
要伴賓鴻并社燕未隨流水與紅塵
寶枝擬折猶堪嗅殘蕊重看
不厭頻自是東皇催鼎食無情
風雨不關春

杏花

香傳微雨隔簾櫳十載航船不負公
愁見餘春絲雪白且看初日眩霞紅
雨株副使鶯吟裏一色新郎馬足中
投老安能知許事一鞭農事趁春風

此近體字樣詩非詩也悚愧

慶學士并獻七十壽

乞得閑身七十餘知幾初不為鱸魚胸中幸
有平邊榮林下聊觀養性書收拾雲山歸蠟

屐卷歲事業入籃輿君臣拊髀思頗牧未許
先生作隱居

又

小築龍潭德不孤盧鴻新有草堂圖四朝人
物今誰在二老風流與我俱把酒笑談猶解
醉上山筋力不須扶文章不逐年齡改能為
開興作頌無

訪天寧周老

婆娑羸童負束書清晨鄉々獨騎驢乍辭天

上尚書履來訪雲間大士居覽鏡年々非復
我照溪處々得逢渠從今莫訴經過數乞得
閑身頗自如

卷八

目錄

八

滄水

文集第八卷目

律詩

春遊四首

題扇頭

平湖戲鴨圖

暮歸

正覺院

登嵩頂

少林

石樓

嵩山道中

又

題南城樓

香岩寺壁

題扇頭

三學院對月

清居寺五彩亭觀子野留題

面春谷

祕魔岩

登萬聖閣

馬尾

趙橋

雞鳴山

盧溝

漁陽道中

達北京

龍山怪松

東京見梅

遼東

北都雪望

北都小雪

鬘香亭

又

錦波亭

雨晴

又

靈感寺

又

雞鳴山下橋

和舜元雜詩

又

聖安小集

和子約立春

二青圖

古北口

撫州

又

北苑寓直

寓望

戴花

玉堂

又

西溪

夏直

過邯鄲

臨洛

真際柏

滹沱

又 題閣立本職貢圖臨本

又

墨梅

香山

夏日

太寧吟詩臺

涑陽道中

昌平狄梁公廟

靈峯院

燕

湧雲樓雨

又

樓上

又

登晉陽閣

中山會故人

下直

潭上

又

宿王佐

燕子圖三首

送人之河中

題李平夫畫黃山蹇驢詩圖

又

中秋日郊外遇雨

登定安閣

滎陽古槐

席牢

新安道中

閑：老人滄水文集卷第八

律詩

春遊四首

其一

草菜一迳抱村斜日暮初歸拜掃車猶有飢
鴉來攫肉覘人飛下杜梨花

其二

無數飛花送小舟蜻蜓疑立釣絲頭一溪春
水無情甚皺作風前萬疊愁

其三

樹藏修竹：藏門：外清流幾股分行過小
橋人不見背陰花氣隔牆聞

其四

烟外絲：風柳斜春光也自到天涯太平有
象村：酒寒食無家處：花

題扇頭

文書勾引墨懋鄉倦枕拋書午夢長夢裏棋
聲驚雨電覺來窓隙有斜陽

平湖戲鴨圖

平湖飛下壺雙紋翻動江南水底雲盡日自
來還自去塵埃滿眼不如君

暮歸

貪看孤鳥入重雲不覺青林雨氣昏行過斷
橋沙路黑忽從電影得前村

正覺院

齋時一鉢僧上堂履聲如水度秋窻秋陽滿
地槐陰薄幽鳥飛來施食幢

登嵩頂

危躡嵩山頂上來五髯龍對八仙臺不知眼
界闊多少直盡黃河一曲迴

少林

只麼西來坐面墻更：一法付神光少林自
有吹毛物三十六峯如劍鎧

石樓

月約風期屢往還水聲山色石樓間大家也
入香山去那得心如白傅閑

嵩山道中

為愛青山懶着鞭吟詩時作鶴頭偏暮然得
句驚飛鳥撲藪岩花墮馬前

又

屋頭山色靜無埃竹裏柴門水際開驚怪籬
中犬迎吠有人知自碧嵩來

題南城樓

樓上遙看郊外村不須騎馬坐平分人家應
在青山外時有歸牛下白雲

香岩寺詩

一夕秋風變素商
蕭蕭雲物換新涼
片雲不作前溪雨
飛過高城有底忙

題扇頭

魏三句裏數聲槽
秦七詞中萬點鴉
好在團圓明月底
一彎流水幾人家

三學院對月

何年覲佛月
天子各以寶花樓閣俱為問
上方銀世界不知有此夜
寒無

清居寺五彩亭觀子野留題

五彩亭下祇三株
曾是詩人歎息餘
君去我來
尚
在
斷
腸
君
沒
見
君
詩

回春谷

冰崖雪柱道家谷
傷回春事已夸却
恐陽和在泉底
未春先發忍冬花

祕魔岩

鐵鎖關藏五百龍
文殊遊戲作神通
山僧要辨金剛眼
莫謂魚蝦在此中

登萬聖閣

中州之山臺山高遍尋五頂無乃勞老去省
山無脚力直憑一閣了秋毫

馬尾

天外亂山圍曠野水邊孤塔背層城馬頭才
指棗乾路愁見行人問去程

趙橋

天垂曠野初疑合地轉深崑忽似窮偶向高
崖聞笑語寒春一帶夕陽中

雞鳴山

烟蒸山腹晴猶濕河帶冰漸暖漸流獨上雞
鳴看日出日五雲多處是皇州

盧溝

河分橋柱如孤筍路入都門似犬牙落日盧
溝上柳送人幾度出京華

漁陽道中

盤山曾借上方眠落月蒼蒼響石泉夜半峯
頭聽鳴鹿半崖松子落堦前

達北京

小車日：碾征塵卧即看書坐久伸露宿風
餐二千里青山無處不隨人

龍山怪松

自笑書生骨相窮倒騎驢看兩三峯天東稍
喜無碑讀踏雪還來看怪松

東京見梅

二月天東凍未蘇梅花市骨也清癯一枝萼
綠來千里為問東君管得無

遼東

幾家籬落枕江邊樹外秋明水底天日暮沙
禽忽驚起一痕冲破浪花圓

北都雪望

千山雪盡出樵車一迳雲移去似蛇小屋平
頭虛落裏炊烟起處是人家

北都小雪

邊城小雪試年華烟冷貔貅十萬家探使不
來人半醉將軍壇帳卓平沙

鬘香亭

小橋虹影截波光面：荷花鏡裏粧風月要
知無盡藏一亭分作兩亭香

又

黃堂公退吏人稀露下西溪鶴未知一榻清
香無着處曉風殘月獨來時

錦波亭

柳影移書步晚涼清溪放開水泱：甬中經
緯天機錦閑却小亭風露香

雨晴

東風時送瓦溝聲欹枕幽窻夢自驚睡起不
知雲已散夕陽偏向柳梢明

又

一抹平林媚夕暉山烟漠：燕飛：倚欄遙
認天邊電何處行人帶雨歸

靈感寺

斜廊深院斷人行雪聚松中立鳥清僧臘數
殘門乍啓驚飛碎語獨含情

又

青：隱：入烟微一日看山坐水涯何事晚
來風截斷偶看白鳥過林時

雞鳴山下橋

兩山相對翠幙開一水中流礙石迴橋北橋
南路分處紅塵一騎日邊來

和舜元雜詩

瘦馬龍鍾兩鬢華敲門避雨野人家
落猶懸路十里晚風吹斷霞

又

三五殘星闕角東淡黃揚柳月明中貪看雅
子收殘葉駐馬天街滿袖風

聖安小集

松軒却扇風仍好苔徑無花雨亦香門外市
聲塵午枕老僧元不下禪床

和子約立春

唐虞禮樂歲元新齊魯中書有大臣泰和三
年調玉燭衣冠萬國拜三春

二青圖

大青天驥之雲仍小青八尺猶龍騰三十年
來無汗馬不將遺像鑄興陵

古北口

幾家墟落兵戈外數畝菜田谷澗中日暮園
場來野麻令人長憶筆頭公

撫州

蕭寺金風動刺竿西城北斗挂欄干一虫不
響夜更靜片月未高山已寒

又

燕賜城邊春草生野狐嶺外斷人行沙平草
遠望不盡日暮惟有牛羊聲

北苑寓直

柳外宮牆粉一團飛塵障面倦斜暉瀟瀟幾
點蓮塘雨曾上詩人下直衣

寓望

蒲根閣：亂蛙鳴點水楊花半白青隔岸風
來聞鼓笛柳陰深處有園亭

戴花

病來酒盞懶重持
強為殘花折一枝
人老易悲花易落
東風莫近鬢邊吹

玉堂

玉堂看到午陰移
日薄春閑下直遲
悞喜交番旗脚轉
隔牆送過小桃枝

又

玉堂陰合冷窓紗
雨過銀泥引篆螭
萱草戎葵俱不見
蜂聲滿院採槐花

西溪

山垠西北塵沙少
水際東南風月寬
盡日朱門人不到
鳧鷖引子倚欄干

夏直

玉堂睡起苦思茶
別際銅輪碾露芽
紅日轉堦簾影薄
一雙蝴蝶上葵花

過邯鄲

十五年來黍一炊
叢臺重覓舊題詩
而今馬上行人老
不似當初過趙時

臨洛

聽山洛水送還迎
世事浮雲幾變更
白髮重來相識盡
逢人欲問小時名

真際柏

趙州東院逢前柏
二百年來屈鐵柯
莫怪兩株纏欲死
後來禪客葛藤多

滹沱

滹沱一箭截天來
六月砭雷打土崖
一夜北風吹岸柳
直從中渡撐船迴

題閣立本職貢圖臨本

周王職貢朝萬邦
右相丹青古無雙
好本不應天下獨
解如明月印千江

又

金犀劈面覘天遠
王會圖中見典刑
已了宣威沙漠事
更煩右相寫丹青

墨梅

畫師不作脂粉面
却恐傷人嫌我真
相逢莫道不相識
夏馥從來琢玉人

香山

山秀薰人欲破齋臨行別語更徘徊筆頭滴
下烟嵐句知是香山鏡裏來

夏日

樹木交陰鳥自呼
蘧蘧殘夢破華昏
虛簷一道風如水
展盡床頭幾葉書

太寧吟詩臺雨中

易州山水甲天下
一日太寧如死灰
山意似羞人識面
雨昏丞相賦詩臺

涑陽道中

石頭葦確水縱橫
人在青山影裏行
忽悟過溪驚笑語
斲崖茅屋暮春聲

昌平狄梁公廟

力扶滄海將頽日
送西山不盡雲一邑
豈能占惠愛至今
天下不名君

靈峯院

天門劃斷兩崖青
拄杖靈峯頂上行
一片白雲岩下起
不教眼力盡東溟

燕

宦遊憐我食官倉贏得青
兩鬢蒼不會無情
雙燕子南來北去為誰忙

湧雲樓雨

片雲頭上一聲雷
欲到冠山風引回
窓外忽傳林葉響
坐看飛雨入樓來

又

簾雨風斜不上鉤
欄干吹濕怕人愁
雷聲驅雨東山去
指下斜陽恰半樓

樓上

樓頭四面好風生
下與遙山一樣平
睡起紗幮歌枕處
恰如水底看雲行

又

山城過雨恰衣單
清曉樓頭六月寒
却喚奚奴添半臂
要乘涼氣倚欄干

登晉陽閣

坡陀勢盡晉川開
一線汾河掌上來
斜日西風倚高閣
白鳥飛過天門回

中山會故人

三十一年後夢魂故人老盡
一身存燈前細雨當時話
別後相思誰與論

下直

綠槐影裏鳥呼風
退食涼生襟袖中
滿地綠苔承步障
梨花無蒂落深宮

潭上

倒影花枝照水明
三五岸邊行
今年潭上遊人少
不是東風也世情

又

日斜飛盡往來塵
為怕春愁戀酒樽
醉裏不知歸去晚
先聲留著顯華門

宿王佐

鞍山拓水事茫茫
猶記同遊宿上方
老大重尋窓下宿
殘經挂壁故人亡

燕子圖

一別天涯十見春
重來白髮一番新
心知話盡春愁處
相對依如故人

又

祝俞區、萬里身錦書回寄莫辭頻而今塞北看雙翼多少中原失意人

又

交親消息兩何如滿眼兵戈不得書為問南來新燕子啣泥曾復到吾廬

送人之河中

功名蟻穴夢南柯投老空門不較多試看鐵牛無用處橫身終古負黃河

題李平夫畫黃山塞驢詩圖

浮光林杪水參差意想先生得句時千古黃山：下路塞驢不是少人騎

又

三十年前濟水東詩中曾識塞驢翁而今畫出推敲勢却恐相逢是夢中

中秋日郊外遇雨

斜風吹雨水生寒荷蓋傾珠下芙蓉驚起鷺鷥眠不得冲烟飛過蓼花灘

登定安閣

春風吹袖着欄干
薄霧初收雪未殘
擬折梅花遮遠日
愁看直北是長安

滎陽古槐

滎陽縣東千古槐
人言曾見漢朝來
不知幾覺南柯夢
直至如今喚不回

虎牢

兩山峽束枕洪濤
自古英雄爭虎牢
蒼天胡為設此險
長使戰骨如山高

新安道中

草根啾唧候虫鳴
月黑山腰信馬行
夾路水聲長在耳



110777

